



12107

隨園詩草卷之五

任印邊連寶峯吟

無雙譜樂府

山陰金古良原題

博浪椎 留侯張子房

假令一擊中祖龍子房早已從赤松乃知非關祖龍不合死天留子房所以為漢耳祖龍雖不死魂褫魄已奪假息與游魂聊作旦夕活椎乎豈止中其副前車已聞鮑魚臭

垓下歎 西楚霸王項籍

隨園詩草

卷之五

一

以大王之英雄而不能得天下叶後五反以臣文文章而屢躓於有司之舉咄嗟乎悲哉是則可哀

老博士 伏生

老博士漢伏生如何逃出祖龍坑漢伏生年九十天遣待除挾書律二帝三王固有鬼伏生豈合不壽死

星精謠 東方曼倩

君以俳優畜臣臣以俳優自喜拉雜投壺射覆間不過費得一囊米批龍逆鱗龍不怒袞職有闕時



能補滑稽之中有如此可爲天子大臣矣一從歲  
星飛上天神不下降三千年

河源槎 張騫

黃河之源殊迂迴森森遙從天上來河決瓠子不  
能塞遠尋河源何爲哉支機石何荒怪孤槎銀漢  
渺無垠何如直探星宿海

牧羝曲 典屬國蘓子卿

蓄雪蓄雪毋忘漢節掘鼠掘鼠羝胡不乳羝不乳  
兮雁傳書單于遣令歸故都歸故都典屬國拱手  
隨園詩草 卷之五 二

長辭陵與律

龍門史 司馬子長

胡爲乎紀項羽明以羽功婉高祖胡爲乎紀呂雉  
明以雉權侔高帝史記之成以憤激豈獨刺客與  
貨殖

恐驚寐 董賢

雲陽舍人美而艷二十三公古罕見尚方寵賚窮  
珍玩斷褻之愛何繾綣羨男破老古所歎王嘉鄭  
崇死於諫長夜漫漫何時旦今又逢堯與舜禪

咄咄詞 嚴先生

咄咄嚴子陵不能相助爲理耶咄咄劉文叔奈何  
寵彼陰麗華此義聞之方正學於理則精不必確  
渠自坐明堂儂自釣烟水男兒在世間各行其志  
耳要之於義不無取請讀蠱漸之上九

娥江行 曹孝女

瓜之浮兮我其祝瓜之沉兮屍所伏瓜之沉兮屍  
可證瓜之浮兮乃其性烏頭可白角生馬瓜胡獨  
不可沉者

隨園詩草

卷之五

三

探虎子 定遠侯班超

虎頭燕頤兮飛而食肉我獨何爲兮食菜而伏入  
虎穴探虎子老邊生烏辦此有筆欲投不敢投但  
能學作書傭耳

曹大家 曹大家班惠班

父其彪兄其固纘大業輝千古稱良史比龍門糠  
粃在前褚少孫巾幗之中有如此我實對之羞欲  
死

趙娥怨 趙娥



父讐未報三男死惟餘一女讐心喜伺讐之便刺  
讐胸白晝殺讐都亭中手提讐頭血模糊詣縣自  
首伏其辜休顧妾私廢功令請以妾身抵讐命

孫郎至 江東孫郎

孫郎至驚江東健者何必是董公破劉繇擒黃祖  
以次而平嚴白虎借問孫郎年幾何十五尚少二  
十多阿瞞見之應嗟吁生子當如孫伯符

伏龍吟 漢丞相諸葛武侯

將軍帝室之胄大哉言乎明如晝鼎足事業猶其  
隨園詩草 卷之五 四  
後誰與識此旨四海習鑿齒温公不及子朱子

焦隱士 隱士焦孝然

國無道法應默然亦何至緘口而結舌先生之意  
固難測如以不言爲奇節何以處夫夫人息

奈何降 北地王劉諶

車班班入長安可憐阿斗無心肝口銜璧向曹賊  
可憐大漢無顏色三寸喉三尺鐵一掬淚一腔血  
列祖列宗及昭烈在天之耻庶可雪

峴山行 羊叔子

羊叔子將之儒用兵不解用詭道惟解雅歌而投  
壺羊叔子不酖人乃至不忍酖其敵敵人信之如  
親戚豈有酖人羊叔子此語令人淚沾臆淚沾臆  
不可揮何必親見峴山碑

并子三 周將軍處

南山有猛虎長橋有蛟龍里中苦惡少合之爲三  
克搏虎虎就禽刺蛟蛟立死折節爲善行三患悉  
除矣刺蛟搏虎未足竒拳勇之夫優爲之人心各  
自有蛟虎誰能刺搏如周處

隨園詩草

卷之五

五

墮樓詞 綠珠

高樓一何高高入雲際翩然若驚鴻一斛珍珠  
碎沾洒玉階聞片片胭脂色祇今金谷園土花暈  
餘碧

羲皇人 陶公

左有無絃琴右有不求甚解書籬邊數叢菊牀頭  
王弘酒一壺我醉欲眠卿且去有人待我於華胥

無卿比 王景略

王景略真豪英大江以東更無卿被褐捫虱聊爾



爾爾何爲者桓老兵王敦是爾可心人從爾孰與  
從苻秦從苻秦聊小試奉正朔義不昧苻堅若肯  
聽遺言何怕風聲與鶴唳

別墅棋 晉太傅謝公

破秦軍於淝水兒子輩乃辦此且圍棋烏足喜過  
戶限屐折齒龕暴亂資神理吾聞諸公孫子

璿璣圖 蘓若蘭

五彩相宣星羅棋列是妾淚是妾血是妾一片心  
精雕鏤得竇連波竇連波非關爾能悔過饒爾劣  
隨園詩草 卷之五 六

心如鐵陽臺爭不相決絕茂弘妻元子婦爾能辦  
得此圖否能則許爾妬不者杖二十更向宅後賣  
帚去

女從征 木蘭

曼胡纓短後衣急裝勁服好健兒買轡頭市鞍馬  
矢箛弓韃從軍者從軍十二載歸與耶孃見對鏡  
換新粧出門驚火伴火伴不須驚還我耶孃女兒  
身

洗夫人 譙國夫人洗氏

洗夫人無與儔不巾幗而斃螫一生卹緯在戈矛  
降狸獠擊瀨西子以母侯世所稀夫人洗無與比  
千載之下更無倫惟有柴家李娘子

女主昌 偽周武嬰

有才而不用反以資敵國宰相之過也奚得逃其  
責此語差足強人意餘者不必多置喙我筆我墨  
固有神胡使無端受其穢

昌宗裘 國老狄梁公

匪徒褫其裘直褫妖狐魄匪徒羸陸博已羸大唐

隨園詩草

卷之五

七

國狄梁公誰與儔斬亡酒朱虛侯

皇嗣寃 代國公樂工安金藏

莫鞠訊休誣服磨刀霍霍向其腹來俊臣爾何爲  
者爾法豈似剗腸酷皇嗣寃寃已明他年配饗登  
廟廷吁嗟乎幾見廟廷配享有優伶

中書考 尚父郭汾陽王

麾之則去招之則來精誠貫金石至德化狼豺憂  
讒畏譏胡爲哉吁嗟乎李司徒

謫仙靴 李青蓮



命我進履我不辭命我結韉我結之不得爲公執  
厠役去公千年我心悲何物高力士獨能脫其靴  
公靴爲爾脫乃顧不重耶奈何翻以此爲辱惜哉  
庸奴真薄福

神仙骨 李鄴侯

李鄴侯骨珊珊善處人父子間骨珊珊李鄴侯俾

父子兩無尤向非鄴侯不顧家

必諫德宗易太子  
德宗怒曰卿不顧

家族

德宗又摘黃臺瓜

唐老奴 唐監軍張承業

隨園詩草

卷之五

八

和哥舞取錢一積卿乞與老奴悲爲君守藏非自

肥取劍來

叶音  
離

索錢不與應殺之傳內旨監子忤

公已笞矣唐老奴鞠躬盡瘁胡爲者我祖留侯知

我心豈爲朱耶李天下

長樂老 馮道

汝是何等老子無德無才但能長樂而已耳四姓

恩榮樂不可紀耻之爲人累大矣臣雖無狀羞與

同里吁其悲將安歸

卧累月 華山陳圖南先生

不言藥不言仙不言丹砂化黃白不言白日昇青  
天秦皇漢武君當戒臣非徐市與樂大堯可修舜  
可鍊鍊得君臣一德時億萬蒼生登閬苑歸華山  
卧累月千載不傳是睡法凡濁下民苦不寐不敢  
學仙請學睡

錢塘弩 吳越錢武肅王

一箭射潮低兩箭射潮落三箭射潮平永不相噴  
薄潮落我當王潮起我當死誓不王吳越有如此  
江水

隨園詩草

卷之五

九

安石工 安民

不忍鐫名於其未固已竄名於其中君看當日黨  
籍誰始終冠以文潞國殿以安石工

我陳東 太學錄陳東

目我爲誰何我乃陳東也畏死當不言催促胡爲  
者昔爲太學生今作泉臺客死去不無知猶能殺  
六賊

三字獄 岳鄂王

上皇天下后土臣心仍在黃龍府五國城三字獄



二聖從此不可復社稷已安君已定公何爲者復  
二聖二聖不歸我則悲二聖即歸我奚歸高宗之  
心明如畫檜乎檜乎爾何咎

庶無愧 文丞相

不愧蕞武節不愧侍中血不愧太尉笏不愧常山  
舌不愧丞相職不愧當日一篇狀元策黃冠歸來  
亦不朽何如懸崖大撒手黃雲蔽日霧塞天星隕  
燕山大如斗燕山何叢叢崖山何轟轟大聲遙呼  
張與陸不愧趙家一塊肉

隨園詩草

卷之五

十一

題雪崖先生戲兒小照兼呈公子純甫

先生壯年如商瞿晚節剛生一丈夫金雞抱虎吉

夢符

純甫未生前十年先生夢神人告曰當待金  
雞抱虎來純甫果於戊寅生其母夫人生於

巳酉

果於寅歲得於菟伏犀插腦青睛珠眉目如

畫玉雪膚齟齬嬉戲揮童奴前驅導唱後擁呼飄  
空華蓋黃雲敷竹馬駢颺旌旗昇以四僮坐肩  
輿先生顧之頗軒渠天倫之樂樂只且誰氏浣筆  
爲寫此踰六十載色不渝流光迅速撒轆轤肩輿  
人已白髭鬚手持此卷索我咏再拜致詞何冲虛

曰余小子庸且愚辱沒先子如負塗一生鹿鹿甘  
蟻伏願君勿作過情譽我謂君言太區區君不見  
祖父潭潭府中居孫子鞭背生蟲蛆神明之後降  
阜隸以此辱沒猶其粗又不見印纍纍兮綬若若  
金銀紫緋憑拖紆如此顯揚庶無恨須問奚以致  
此與乞憐午夜情態惡尻高首下口囁嚅一朝扞  
網觸刑辟覆巢之下無完雛若教之鬼應餒矣庭  
堅之祀其忽諸由斯以談榮親者豈在勢權名位  
之有無君今奉身如執玉兢兢畫地以爲趨一跬  
隨園詩草

卷之五

十一

一步蹈規矩畦町嚴整修廉隅雖於前人未光大  
端慤謹厚則有餘抱真守璞以俟後何必焜耀及  
吾軀試將此詩赫以告先廟吾知泉下之喜決不  
異此圖

爲坦居侄題趙成穆指頭畫

門人李引長能以爪畫字所畫雖今文殊具蚪斗  
勢因思蒙將軍造筆殊多事吾以心運手即以手  
落紙中間無隔闕乃得其神理心手紙爲三益以  
筆乃四得心應之手數以少爲貴不獨字畫然繪



染亦如是竊聞古人中南宮老顛米生平作圖畫  
不盡以筆耳或以紙之筋或以帚之尾或以蓮之  
房或以蔗之滓信手塗抹間盡得烟霞氣雖然更  
有進蓮蔗與帚紙用以代兔毫仍與筆無二何如  
都屏却索性用吾指指頭畫何昉前無所考據聞  
之鈕玉樵有王秋山氏能以手拏畫妙視筆加倍  
王畫不概見且園乃繼起高侍即其佩號且園向於杜氏宅

新安

曾見且園技活虎兼生龍山水並花卉畫屏十  
二幅幅幅有生趣今觀趙君作頗得高遺意春柳

隨園詩草

卷之五

三

枝婀娜春蘆叢蔚蒼略約橫道周人跨一蹇衛鞭  
絲帽影間如有吟聲出音脆寥寥只數筆瀟灑見規

制吾家阮仲容持此乞詩句亂頭而粗服詩可與  
畫配獨慚字體俗空復趨姿媚引長不在側二美  
難可致尋思乍豁然總緣筆爲累

王廷選招飲話舊感懷

望衡原不遠

廷選向居邑中去余甚近

結髮自相親彈指桑榆

暮回頭五十春東風撲蝶好秋草捉蛩新追憶真  
成夢相看坐損神

契濶十年後居停三里強

時廷選卜居羽林堡余客張各庄

走函

邀白叟把盞話黃梁歲月還餘幾追隨好共將祇應乘逸興杖屨屢登堂

閱秦紫峯詩稿上鈐圖記其文曰卓犖觀羣

書鐫篆極工問之知爲其友李君墨耘所

作別後寄札索之慨然見惠而徵詩作直

賦此以酬

性嗜篆刻入骨裏問余何味難舉似昌歎芟棗不自知事闕游藝應難已吾友秦紫峯投我詩一卷

隨園詩草

卷之五

十三

上鈐太冲句鐫以籀斯篆初觀似滿白諦視乃鐵線陰陽乍離合使我眼花亂線以言其細鐵以言其堅堅難屈爲蔓之尾細如鏤以棘之端既細且堅能事畢走筆相索一笑擲連朝觀玩且摩挲什襲而藏同拱壁張矧君櫟下老下迨松巖

聶姓山人

與練江

吳姓江南人

所作徃徃並娟好墨耘鐵筆大如

椽一時盡被渠壓倒惟有吾友宋仲良

德州人

伯仲

差堪稱二妙亡婦之弟李仙李向來曾爲余鐫此

即太冲句

今應懊惱泣前魚如小巫見大巫矣近得壽



山雜黃紅肌理細膩勝芙蓉更乞墨耘爲一刻介  
紹還應倩紫峯

爲芳園李同年題勸農桑圖

宰晉江時  
民人所獻

高蓋山蠹蠹晉江水潺潺還將潺潺水取灌晉江

田解一稻苗生剡剡我畝南且東栽時秧針綠收時

穉解二紅穉復穉阿囷隨郎罷郎罷足沾泥

阿囷水没胯解三大尹何所來老僕爲前馬身跨款

段駒頭戴笠子者解四主伯並亞旅手招使來前渠

是尹兒子來聽而翁言解五耕作而鹵莽租稅持底

隨園詩草

卷之五

十四

當租稅猶可豁持底時而糶解六民生道在勤勤乃

無時匱勤還濟以儉豐歎原相代解七大尹語刺刺

大衆聽瞿瞿勸農既已訖還來采桑所解八小姑與

阿嫂采桑南陌頭管蒯爲籠繫榆柳爲籠鈎解九老

嫗語少艾見尹不須走了者尹女兒笄者尹子婦

解十子婦與女兒奚避阿翁爲藉草團圞坐來聆翁

訓詞解十一桑葉色油油拓葉光蕤蕤休作桑拓看

葉葉是紈綺解十二紈綺勤則有不勤繒布無了者

飲而母笄者衣而夫解十三了者日一匹笄者兩丈

餘上以供庸調下以充袴襦十四神以馬爲頭馬

與蠶同氣休於馬頭孃忘却豚蹄祭十五桑者祭

先蠶耕者祭先畜神人一以諧降康無時忒十六

自天屢降康亭毒無沴黷一禾穗九莖一蠶年八

熟十七星臣乘星輅行當至邊鄙爲寫耕桑圖以

待采風使十八

九兄告休歸自遵化喜賦四首

一片寒氊子棲遲三十春非無小住法終作大歸

人宦海休濡首林泉可貯身從茲遂初服揮手謝

隨園詩草 卷之五 五

風塵

薄產還餘幾頻年值歲荒米鹽休挂眼風雨且聯

牀餐飯交相勸涼暄每共將菜根同咬慣垂老有

餘香

清白規原舊蹉跎數亦奇依然無喫着所幸不磷

緇內力微詩句天倪入酒卮怪來多醉盜了不減

前時

羲馭無淹晷還丹那益齡同懷餘鼎足余兄弟五人現存者

三故友已晨星策杖應相過銜盃莫斲停擬聯九



老社圖畫付丹青

製棺告成戲題四首

滑如女手美如狸好把生涯斷送之三尺墳應封

馬鬣四圍版已愧鷲池

宋登春新河人號鷲池生嘗曰吾決不作四圍板中

人後果赴海而死詳見阮亭居易錄

須知螻蟻終難免差喜文章朽

較遲一代雌黃合有定還憑他日蓋棺時

棺成應奏落成歌何以顏之安樂窩入世每愁輒

有碍長眠且喜尚無訛粟留春轉籠烟樹絡緯秋

啼帶露莎擬向箇中安筆硯九泉端不廢吟哦

隨園詩草

卷之五

六

舌耕賸得硯田租料理衰年幸有初生不慣栽乞

米帖死仍羞作募棺書玉鳧化去知何用楮幣焚

來自有餘傲骨正堪藏阿堵無煩推解度居諸

待得龍蛇入夢年縱饒雞絮也徒然故人誰解豫

凶事老我於今欠酒錢已戒行裝將大去何妨偃

仰試高眠異時須塋陶家側圖取朝朝傍聖賢

當來日大難

當來日大難來日之難非今難搜括畧益得少粥

鐘婦孺老穉皆大喜歡來日之難非今難解一來日

之難果大難竒文纍纍積有千篇呼兒持向市賣  
遇冷遊子衣馬翩翩睨而不視寧馨物不直一錢

解二六月不雨飛蝗蔽天今歲之歲無望矣來日之

日胡底焉東烏西兔磴轉輪旋解三魚不上天鳥不

翔淵水瀉平地西北東南信天溝壑設畫鷹鷂擊

我甑扣我釜今日煑粥糜明日生塵土生塵土奈

何許得少粥饘且共喜歡來日之日非今難解四

初秋咏懷

西來顛氣振疎林迢遞遙傳斷續砧夕露候蛩吟

隨園詩草

卷之五

七

砌晚斜陽秋草閉門深荒唐欲結三生夢愁悶平  
分一寸心倚杖剛欣涼吹好謾綠時序更沉吟

李立軒宰陽春寄端溪硯水晶眼鏡

火捺微紅蕉葉白扣之鏗然金聲徹滄波浸潤涵  
雲濤知向端溪老坑得水晶作鏡光瞳矐零瓊碎  
璧相磨礪兩泓秋水入輪廓偏傍跟肘皆玲瓏碧  
玉經拭絕纖瑕老眼得鏡掃空花龍尾鳳喙供揮  
灑蠅頭蠱尾無訛差吁嗟乎硯田水要源頭活水  
晶難將刮眼膜還祈一滴寄曹溪坐見銀海光流



硯不涸

促織

唧唧復唧唧，鳴蛩促我織。感爾意，慙慙愧我命。蹇  
厄北地桑，不繁黃壤棉。亦植貧家有，女婦夙性戒。  
安逸雖未諳，機杼頗自工。紡績奈當年，來來荒歉  
不可說。種棉亘數畝，平疇望鬱鬱。滿擬當沍寒，庶  
可免粟烈。陡頓厲風雷，冰雹降沴忒。大者如盆盎，  
小者如梨栗。那以霍靡姿，而膺礮石擊。零枝與碎  
葉，滿地紛狼藉。其餘數十畝，雜藝黍稷稷。謂言飽  
隨園詩草 卷之五 六  
與暖一失，或一得。秋蝗蔽天來，白晝遮地黑。聚族  
棲禾麻，取次齧根節。枝葉立濯濯，枯藁空子子。向  
但賦無衣，今更憂艱食。難免啼飢晨，奚論號寒夕。  
我心方怏怏，蛩鳴復嘖嘖。再拜謝鳴蛩，慎勿相促  
迫。爾但促我髮，織成千丈白。爾但促我腸，織成不  
解結。於爾亦已勤，於我更何益。詩罷側耳聽，四壁  
聲已寂。

答友人問

三家村裏老教書，萬卷叢中一蠹魚。未食神仙成

脉望但憑筆舌作耰鋤追呼那道妻孥債齒侵曾  
無絲粒儲慚愧親交時問訊敢將究竟擬何如

蚤

苔壁綠陰森孤蚤徹耳吟根塵吾有累哀怨爾何  
深露下聲初咽風迴響未沉清詩聊汝贈共証歲  
寒心

食菜戲成

荒年不得飽半菽直以蔬代穀之六蘆兒芥孫剪  
園英馬齒人苻擷野菽蹲鴟煨火啖輒瓊倭瓜芘  
隨園詩草

卷之五

十九

羨切黃玉既斷肥壺充籠鷲擬買乾笋煮篔竹根  
腴葉嫩斲蕪菁下氣消穀屏萊菔三百六旬雖常  
齋二十七種可當肉無魚休彈遊士缺一飽也摩  
將軍腹此日又畢可勾除三餐既罷還棲宿莊周  
帳裏祇蝴蝶禦寇隍中有蕉鹿荒園牢閉且安眠  
墳首牂羊那敢觸

秋夜

桐月散清影支頤聊一吟秋蚤爾何感天籟想難  
禁白露湛初下明河迫且深誰家吹玉笛良夜正



沉沉

讀爾雅

苦覓大句不可得日向荒墟蠕動索自笑碧海掣  
鯨手都付蟬嘶與蜚咽四極八紘思卧遊山經地  
志可羅搜二者爾雅俱具體好向姬經郭傳求釋  
水釋山兩馳騫五岳四瀆茫何處且從纖瑣事雕  
鐫他年留補魚蟲注

風物

風物秋光好田園勝事賒長竿剝火齊去聲攬手摘

隨園詩草

卷之五

二

瓊花晚樹蟬吟歇歸途燕影斜薄妝仍報賽社鼓  
不停過

年華

彫謝年華晚霏微烟霧暝川搖秋練白鴉點暮痕  
青阮籍何須哭劉伶莫暫醒昨宵餘酒在歸去掩  
柴扃

寒水

寒水清難唾晴雲薄似紗鷹飢窺兔窟蝶晚戀菘  
花夕露麻鞵濕西風草笠斜孤吟殊冷淡祇此是

生涯

贈李鑑塘表姪

爾之高祖母爲吾曾從姑親串歷五世交好同劉  
盧君家先大父雄駿擅文譽我昔年弱冠曾與交

戈及文場小鑿戰名次如連珠泊余客青蓮

郝村一名

青蓮庄

爾方毀齒初皎皎好眉目已解誦詩書口齒

頗伶俐歷歷清且踈轉盼廿餘載鬢鬢有髭鬚手  
持素所著款款叩吾廬欲因老馬智引示孤竹途  
君才頗驚桀絕似孩於菟文雖未炳蔚食牛氣已

隨園詩草

卷之五

三

粗倘能充所造吾道庶不孤但當分派別一一示  
門閭洪惟唐與宋兩代寔相須如天地日月不可  
偏有無奈何承學子黨朽復讐枯一出還一入入  
主出則奴唐調文而僞宋派質而粗文質互調劑  
乃稱彬彬儒質先文居後次第不可逾譬彼築室  
者堂構乃墜塗故當姑舍唐以宋爲權輿南北兩  
宋間應推陸與蘓蘓如萬斛泉湧地爲江湖波濤  
浩呼洶一氣達尾閭陸子氣豪雋上與雲霞俱興  
高采亦烈如火兼如茶遠觀乃如此近視更何如



譬之繪人物褶紋蹙且舒繭絲與烟篆婉轉交縈  
紆眉目口耳鼻了了不模糊又如萬卉木灼灼華  
葉敷龍菴蔚蒼裏一一羅根株緩步更審諦可數  
萼與跗問渠捺何術乃臻此境歟讀書與窮理踏  
寔用工夫奈何嚴滄浪談詩墮空虛言詮與理障  
大聲而疾呼作詩以言志言詮那得除以理爲詩  
障理真受枉誣本朝神韻家寔捨彼唾餘居然登  
壇玷玉帛走滕邾歸存無定旨痛癢不切膚所謂  
風雅者如斯而已乎我殊憤所切誓欲墮其郭位  
隨園詩草

卷之五

三

卑力孱薄莫能醒羣愚狐窠與蛇穴吾子其慎諸  
感子來謁意拳拳勤且劬有扣鳴斯應使我難躡  
嚙傾囊而倒篋盡餉夙所儲中有忤時論勿遣旁  
人狙

寄贈鄭研農

江南豪士鄭研農個儻磊落殊吳儂曾作幽州販  
馬客據鞍顧盼生雄風中年發憤讀書冊曾貯墳  
典與邱索生平厭薄帖括家耻向庸人論得失翻  
翻書記阮元瑜干謁諸侯爲畫策曾聞高義動乾

坤萬里銘旌送故人掉頭不顧千金聘仗劍聊酬  
國士恩臨池亦復饒筆力上窺羲獻下芾軾合爲  
樓氏五侯鯖渣滓澄清瀝精液應與吾邑李亦珊  
江河兩界分南北我生不識韓荊州屢叨筆札到  
林印鄭客同年李芳園署凡芳園所寄札皆鄭爲之去年更得梅花冊鄭書  
東坡梅花詩一冊亦芳園見寄者藏以什襲同琳球鄙人得隴復  
望蜀更乞長條與短幅可憐口與眼俱饒擬換鵝  
羣易羊肉

以詩代柬答于南溟兼呈芥舟

隨園詩草

卷之五

三

芥舟翔步青雲裏晴嵐埋骨窮泉底困頓窮約不  
得死惟有余與南溟而已矣日者來書言及斯令  
我淚下滔滔不能止又云一生頭顱約略上今此  
身後之事當料理著書立說俟千秋應與石火電  
光爭駛駛古聖遺經易春秋曾經二十餘年究終  
始行當早晚勉成之卒業之後還持似我覽書至  
茲不覺蹶然起此誠不朽之盛業咄哉勉旃未可  
已但慚老眼花未能窮源委晴嵐惜已化異物皇  
甫元晏今無幾書成還示子戈子



賦得耿耿不寐

每怪晦翁釋栢舟却與中庸不同例耿耿傍從火豈  
憂思祇應還作小明耳此義須問過來人竊嘗體  
驗得其理向晚羣動都休歇我亦偃仰黃紬被閉  
關塞兌枉自勞收視返聽徒爲爾肝家血短不潮  
心此心只在小明裡勢如輕雲薄霧星朦朧雖少  
光芒可指示又如深穴古墓長明燈一點青光凝  
漆米輾轉反側達五更徹夜不眠總坐此安得昏  
昏默默了無知一枕沉酣快如死

隨園詩草

卷之五

十四

冬夜讀書二首

寥落淒清夜貧餽老病身詩書緣未斷燈火意相  
親鹵莽憐時輩從容對古人不須怨岑寂一刻已  
千春

屋老山吹破冬深風怒號古歡欣聚首寒夜且熬  
膏奚啻受其賜時還悲所遭精誠一以合了不隔  
秋毫

村夜書事有感

霧釀霜初結烟籠月不真吹空深夜犬輸賦獨歸

人耕鑿仍闕命詩書不療貧半生無負郭感激一  
酸辛

飲酒

壘塊殊難遣樽罍強自寬戟喉村酒辣沁齒老齏  
酸鴛瓦霜應徧泥爐火亦寒杜陵遙酌汝吾道果  
艱難

柳絮二首

悠悠颺颺弄輕姿日午天清風靜時以息相吹渾  
不覺如雲無蒂更何之道逢暮雨沾應濕江漲桃

隨園詩草

卷之五

五

花渡轉遲最是宮鴉初起處長秋望眼已迷離  
幾迴樓泊幾飄颺曲渚響環碧落長天際夷猶殊  
自在水邊搖曳似清狂唵喁剛被魚吹去頽頽旋  
教燕趁將妙是劉郎翻謝白轉拈飛雪擬春七

題德涵一叔小照

峭壁鏡天日車側玉虹倒挂二千尺松挈晴空雷  
雨黑鳳尾搖風交劍戟雙鶴磔卓事高格豐草芊  
茸鹿所宅一溪鳴玉聲瀼瀼奚奴汲清煎茗液先  
生兀坐挾書冊境地爽豁形神適先生故具山水



癖竊疑此境奚從獲憶曾釋褐事宦遊催科下下  
撫字優蒲鞭不用矧虔劉枯槁俯仰性所羞不能  
罄折事督郵投劾歸來但扁舟壓以鬱林大石頭  
旋復秉鐸濁漳陬首荷盤外無餘饜再仕再黜還  
舊邱二子傭書供脯脩一子入市營薪櫛三間茅  
屋供咿嘍此地此景來何由若云策杖偶隨喜平  
原曠野渺千里或云手筆出南垣吾叔家貧不辦  
此由來畫師非幻妄憑空結撰良有以吾聞靜者  
心多妙神明變現無遐邇心有天遊六鑿空閉目  
隨園詩草

卷之五

三

便到蓬萊浹五岳穹窿四溟寬一時攝入曉巢裏  
芥子中間納須彌窺尋那得用恒理乃知洞天福  
地都可作吾廬但向一寸靈臺覓基址

瓜園

攜得朋儕輩來嘗子母瓜晚風吹葛健一徑入園  
斜沉綠分苔蘚寒香沁齒牙高棚聊拾級小坐話  
桑麻

初伏夜大雨

天瓢高酌絳河傾天際遙聞雨脚鳴千電射窻渾

作畫一雷徹曉不停聲高原坐見青葱極下澤旋  
愁溝澮盈最是三農難報稱昨纔祈雨又祈晴

寄示枝山姪

吾家應運產瑚璉

力展反

追琢於今三十年小子文

章真有造老夫衣鉢豈無傳霜蹄那更愁微蹶速  
槁從來坐早妍眼底紛紛君不見薜華蜉羽鎮堪  
憐

初秋夜微雨

淡薄雲遮漢霏微月映牀好風肌骨醒踈雨夢魂  
隨園詩草

卷之五

七

涼蟬咽聲還續螢流濕不妨無端忽感激逝水似  
年芳

感事

觀過斯知仁寧厚不爲薄薄俗覩暄涼面目旋今  
昨翟公廷尉時賓從何赫爍憑藉一朝衰門庭羅  
鳥雀葛帔拖練裙瓊尾無棲泊云是彥昇兒知交  
匪蕭索奈何棄如遺瘡癢隔胥膜孝標廣絕交更  
欲續其作却憶朱桐鄉千秋享祀初此道今則亾  
懷古空緬邈



感賦

布帛有邊幅行止有涯畔我方跼步趨衆已達權  
變圭角盡磨礱禮法難羈絆居然剗畦町那復轟  
崖岸歷駟相因依狼狽互攀援邪徑誇足捷危途  
騁步健市金任我攫香名讓人噉叶耿介渠已癡  
義利儂豈辨狗賄足焚身放利常府怨拮据盈眚  
福脫略伏肘患人間幸漏網冥中恐折算袖手洵  
不忍仰屋空竊歎正容固忠告諧語亦譎諫賤子  
攄忱悃聞者應戰汗

隨園詩草

卷之五

五

苦蚊

風雨驅蚊入紛綸不可揮問名馬有帳核寔董無  
惟嫋嫋遺音瑟纖纖脫穎雖誰家九華裏同夢正  
如飴

秋日得維藩瓊州書兼寄章江見懷之作

雁影初從塞北回魚書恰自海南來懷人更有章  
江句寄我遙傳滙水隈手展八行還入袖眼迷五  
管強登臺斜陽徙倚空搔首腸斷西風畫角哀

續婦

婦女田家苦宵分未即安招隣乘皓月恤緯聚蒲  
團露下雙蓬濕風來百結寒誰家歌白苧畫燭欲  
燒殘

野趣

故厭塵寰鬧偏耽野趣幽績棉隣火夕咽露候蟲  
秋鄉曲渾相識農談亦遣愁年豐應作社笑問酒  
曾筭

寄呈八兄四首

阿弟過花甲吾兄邁古稀俱嬰沉痾疾恐作死喪  
隨園詩草

卷之五

元

平聲威昨與兄相較偏知弟稍肥可憐攜手處老淚  
對沾衣

日者遙相訊欣聞患稍輕步趨雖蹶躄志氣已清  
明兄久泄陰虛  
時乍迷惑泄瀉關脾土養飧審物情病加綠

小愈珍重在持盈

鬱怒仍當戒浮雲那認真炎涼從惡導肝胆莫輪  
囿市酒醅初撥黃花萼已新隨綠聊自遣外物任  
紛綸

鰥獨餘雙叟兄無子  
余喪妻飢勛各暮年窮民兩無告同



病鎮相憐頤養隨吾分  
乘除聽彼天轉應三十載  
長此對牀眠

日落

日落烟暝天黃昏  
杖藜步屨臨高原  
一溪淨綠美人眼  
千林酣紅詩客魂  
靜中檢點如有會  
物外蕭疎誰與論  
啼鳥啞啞催病叟  
新月朧朧挂寒村

倦夜

三星約略向西偏  
一片淒聲到枕邊  
烏抱何哀偏善怨  
鷄如作惡故驚眠  
寺鐘鏗爾搖餘韻  
譙鼓統隨園詩草  
卷之五  
三  
如迓曙天試問夜來愁  
病客車輪腸作幾回旋

冬夜讀書

寒燈老眼兩俱昏  
遮眼文書燈下繙  
市酒頻斟剛薄醉  
土牀趺坐得微溫  
銀蟾影靜斜窺客  
黃葉聲乾亂打門  
不有古人相對語  
箇中愁寂與誰論

咄咄吟

咄咄書虛空  
烏烏擊盆盎  
四壁何蕭條  
五岳起骯髒  
資生惟筆舌  
外此寡倚仗  
寔餽叔段口  
強設馬融帳  
病來筆不靈  
老罷舌轉強  
講貫口方啟  
憤懣

氣已上瓜期尚云遙旌心已先颺投劾賦歸來乞骸防殞葬東西兩決絕心志一滌盪懶性聊小適病體那無恙朝夕缺饗殮烟雲難供養魚將遊吾筌衣欲棲人桁寧止枵爾腹直欲絕乃吭生涯坐已窮餓死真可望非關人相厄寔爲天所喪温飽豈不欣廉隅恐有妨殘喘思稍延晚節定無狀羲馭日崩奔神戈語誕誑頽齡今餘幾鮮終古所讓黽勉勤服膺溝壑庶勿忘

除夕前一日高用賓招飲公子咸一索詩即

隨園詩草

卷之五

三

以落句戲之

赴壑修蛇早扼之明宵繫尾已云遲盍簪列炬成高會柏酒椒盤且探支髻髮並如殘臘雪談諧仍似少年時座中英俊休相笑此夜屠蘓未後持

題鄭板橋蘭竹圖

我聞沙門覺隱云以喜寫蘭怒寫竹竹如壯夫森立鬥戈矛蘭如美人巧笑含犀玉試從靜裏一窺尋但覺蘭竹精神在心目喜怒既異情竹蘭亦分族喜怒不並行竹蘭須兩幅若使兼容一幅中是



爲板橋之所獨其寫竹也茁然裂土玉鞭長其寫  
蘭也嫣然吐萼東風綠陰陽迸落造化手意竹意  
蘭從所欲又聞昔人圖北風見者皆瑟縮換筆圖  
雲漢見者皆炎燠使君兩圖合併作一圖當令觀  
者燠寒如轉轂問君奚以知其然吾以渠之竹蘭  
卜湘君在左鄭姑右靜對移時神意足翩翩翠袖  
倚琅玕恍見佳人在空谷

張方予饋杏花並酒

一百五日節已過淡烟疎雨時冥濛荒村孤僻花

隨園詩草

卷之五

三

事少週圍棗棘空菴籠出門何所差慰意但見濯  
濯新柳搖溪風歸來寂悶不可度生活冷淡惟茶  
鍾家釀市醕都已罄瓶罍磊落堆墻東平頭奴子  
來奚自手持短柬頭蓬鬆開緘知是坦腹客特推  
所好哀疲瘡餉以杏花佐以酒酒湛深碧花微紅  
夜來燒燭命三雅泉甘氣冽香醇釀不數松醪與  
石凍衙官下若奴耶筒直從闕膈注臍腹頃刻遣  
我形神融花插胆瓶注以水枝枝蓓蕾開寒銅雖  
無暗香有疎影標格略與孤山同對花酌酒頽然

醉化爲蚊蝶翔深叢一枕黑甜酣且快醒聞曙鼓  
聲夔夔明珠青玉不足報聊賦長句旗吾衷

春歸

梨花零落桃花暮榆莢飛飛渡溪去東風似欲買  
春迴亂撒沈郎錢滿路老夫攜杖逐東風抵死留  
春春不住一聲鷓鴣喚春歸試問春歸向何處

自警四首

日處鄉曲中自謂頗挺監每登古人堂輒無站脚  
處半生何所得但作書中蠹文章聊戲娛豈是不  
隨園詩草  
卷之五  
三  
朽具掩耳盜虛聲誤人還自誤日月薄崦嵫齒髮  
已遲暮噬臍嗟何及慚汗空悔悟

稍稍能固窮未冒干謁耻此義在古人視爲平平  
耳婦無桑中約自是本分事哆口誇向人尠不冷  
人齒譬之築宮室此但作基址有基期勿壞上乃  
加積累基立不增高卑伏而已矣仍欲誇末俗咄  
哉何所恃

世人之所重聲色與貨利不肖直滅頂賢智乃脫  
屣介乎其間者隱微不自制充此隱微惡無所不



可至雖誇隄防嚴賊終在屋內此惡直至死不離  
方寸地與我同入棺還與同埋瘞輪迴如果然恐  
受業緣累種上聲稗不生穀兼恐乏令嗣持此還自  
省根株盡耶未老力不益堅安保無隕墜

性命不敢談經濟關才具孝弟吾固有夫豈煩挹  
注先子早捐館時連年十六先慈性和豫同父共五人

幸免閱牆怒外人觀聽閒似無指摘處清夜自捫  
心那遽免疚惡二親長已矣兩兄亦物故兄弟餘  
三人髮白領垂素未雪霰先零當更謀歡聚相好  
隨園詩草 卷之五 三  
無相尤黽勉保末路庶可齒人羣豈曰永終譽

夏日村居

行飯還摩腹支筇更倚牆鷄鳴桑徑午犢卧柳溪  
涼地僻衣冠省時豐民物康終當去城郭來築耦  
耕堂

夏日閒居即事

羲馭舒徐按轡行枕人間信有小年長棗花已過  
蜂衙靜梅雨將來蟻市忙閒裏光陰何自在塵中  
事業轉荒唐更須底物消炎夏紙閣蘆簾薤簟涼

雜詩

飴以羞耆老亦可沃戶樞詩書經邦國乃用探口  
珠道傍何輻輳駸駸十乘車車中何所有木難間  
珊瑚問彼胡爲者云是罷官初歸來起大宅鳴吻  
摩空虛蛾眉秀且惠列屋比櫛居媚子競趨風賓  
客填門間把酒壽主人言詞婉且舒讀書食厚報  
豈止償錙銖不枉芸窻下十載勤吟唔主人顧之  
笑頷首捋髭鬚書中有黃金此理信不誣

戲成

隨園詩草

卷之五

三五

物外聊爲汗漫遊一卮一壺儘風流也知命裏饒  
詩債所恨篇中欠酒樓魂夢久辭南郡守頭銜新  
署醉鄉侯劉伶荷鍾殊非達試問烏鳶有底讐

元人拜岳王墓詩落白云墳畔休栽檜行人  
欲斧之余愛其句意之新爲從來岳墓詩  
所未及因附其義而廣之作絕句二首

愛人兼愛烏惡人兼惡鱗千載岳王墳栽松莫栽

檜

同名既可惡嫌名亦不容椒山祠堂裏栽檜莫栽



松

早景

叢樹連雲碧色沉曦光逗處早蟬吟夜來風雨荒  
唐甚打落槐花一寸深

新秋雜興

浙浙涼颼入厭厭午夢長妾綠屏蕉鹿高枕入羲  
皇籬菊初胎萼盆蓮小結房新泉發嫩茗鼻觀去聲  
有餘香

物態初無定庸奇在所觀蒲搖含竹韻雲矗作山  
隨園詩草 卷之五 三

看芒屨何須借絺衣未覺單斜風吹杖履誰識愜  
清歡

薄暮堪垂釣苔磯坐柳塘好風涼在水過客汗如  
漿老脚無勞輒平生不解忙一瓢懸穎樹夕吹去聲

韻琅琅

梧葉初辭樹蟬聲已兆霜西風吹鬢短秋晷入簾  
長老只隨緣分愁還愛景光回頭二十載不復踏  
槐黃

殘暑仍相殢湯盤水細傾沐頭心未覆晞髮白還

成透木螢光墮垂簷漢影明  
桓伊何處笛一半已  
秋聲

萬籟一時休高天列宿稠  
似聞河漢水淼淼向東  
流安得乘槎去真爲汗漫  
遊塵寰不可謝俯仰坐  
增愁

寄同年李芳園兵備二首

江南江北水連天復見洪河納百川  
遠道懷人常  
萬里孤村寄跡又三年秋霖憶過鷄棲舍  
水驛催  
登鴨嘴船

壬午七月芳園赴蘓州任雨中過余言別

最是相思無近遠

隨園詩草

卷之五

三

夢魂時繞海西偏

著作生平棟可充梓人欲授苦囊空  
明公昔自倡  
高義賤子今仍在下風鐘鼎已教成  
畫餅文章豈  
合任飄蓬爨桐誰遣留千載  
悵望雲霄只蔡邕

秋望

曠望渺無極霏微起暮烟  
秋聲黃葉寺暝色斷鴻  
天空自期千載誰能障  
百川無端淒絕境並遣到  
愁邊

黃花



霜葉黃初脫頰陽短易斜病中指白酒愁外得黃  
花色亦欺羣卉秋還到我家誰憐隱逸者却自殿  
年華

九日晚望

昏鴉向夕翻獨自眺平原暝色來千里寒流繞一  
村茲晨當令節何處覓芳樽歸去且烹茗黃花已  
上盆

老態

老態龍鍾甚逢人真自嫌侵肌驚午吹去曝背負

隨園詩草

卷之五

三

秋簷綠髮隨年盡愁容逐日添朝來聊小慰今夜  
睡差甜

邢子佩別業二首

偷閒處

向曾聞維藩誦君詩兩句欲滿書傭債稍向閒中  
住原句云何時填滿書傭債也向閒中住幾年竊疑蓄閒心未必辦閒

具今者來徵詩乃知具已預寔有十笏室足以寄  
暇豫其具既已儲其事或可庶胡為不自閒總緣  
飢凍故鐘鼎既渺茫富貴不覲覲求閒轉不能此

情難可怨無恠篇什中哀怨會鬱怒我亦老教書  
少壯至遲暮覓飯五十年欲休不得駐除是蓋棺  
時纔得息馳騫向亦有兩言骯髒託毫素意義與  
君詩反正相交互原句云除却蓋棺日無非覓飯時我亦思偷閒  
偷閒向何所四座且勿喧聽我歌都護去城十五  
里逶迤西郊路鬱鬱望佳城松柏拂烟霧朝有烏  
鴉號夕見燐火度爰居復爰處不言亦不語長寐  
尚無叱是我偷閒處

菊藪

隨園詩草

卷之五

三

我具菊癖由來久君癖與我同所受我但解愛不  
解種自慚菊癖名空負君家菊獨以藪名知君所  
蓄亦已富雖然我菊亦有藪我藪中亦靡不有黃  
者黃如出殼小鷺兒白者白如搯搯之女手紺緞  
紅紫粉練縹斑剝陸離如組綬按之既已有其班  
分之不許亂其部但如畫餅不可以充飢乃是東  
籬小詠詩百首余著東籬小詠百首詠菊百種君藪我藪未較量  
未審種類相同否應倩黃筌爲寫圖却以我詩題  
其後二難雙羨兩合并倘遇好事應不朽題詩之



年歲在酉後此十日即重九絕少黃花綻踈籬但  
聞霜風鳴枯柳君家大觀未寓目賤子小詠徒在  
口安得結伴攜榼直造陶潛家大開旗鼓一蒐狩  
九兄初度日過連館賦此爲壽

不羨吾兄富且貴貴是虛銜富仍未但羨吾兄年  
已近古稀健飯豪飲且善睡豪飲不拘濁與清健  
飯不索甘與脆酒酣飯飽睡鞦韆仍是多年如鐵  
老布被攝生繕性莫若嗇以嗇徵壽如符契九月  
望前前一日吾兄攬揆當此際已遣廷徵往代祝

隨園詩草

卷之五

四

不意吾兄翩然至賓客雜選不耐煩策蹇特向荒  
村避且云昔年八月晦吾父生辰弟應記絕少斗  
麵作湯餅欲典衣衫無半臂今纔較昔免飢寒肆  
筵設席無乃侈我聞兄言雙淚零旋命濁醪壓感  
喟皤然二老對秋檠斟酌不覺頽然醉人生三萬  
六千日吾兄所歷甲子已近四百二時年六十九惟有  
老弟太龍鍾飲啖差可苦不寐吾兄矍鑠不敢望  
但願腰脚稍便利姪拜伯伯弟拜兄年年此夕成  
佳會清詩濁酒壽吾兄直祝吾兄到百歲

袞袞諸英少歲作連茹拔吾黨二三子動遭試官  
刷一硯磨欲穿萬里韋未發年年抱玉泣區區不  
見察真同不繫舟浩蕩泛溟渤我亦過來人卅載  
膺嗔艱今乃卸羈箝永不受剗削懸崖萬丈高發  
憤手一撒檀子倍可憐怪事尤咄咄君文乃三黜  
我眼詎雙瞎賤子節頻擊當道目不刮每遇化龍  
秋即君暴腮月前塗愈難憑此事真可歇但應睡  
騰騰還須醉兀兀牢愁寄些只惡派嗤軋茁帖括  
總休休典墳務矻矻常存千載心真入作者窟索  
隨園詩草

卷之五

望

令章句翁腫背駭駝圖息機得靜便入世苦窳窳  
何必供庸目歲歲取塗乙

咄哉二首

澆俗故炎涼奚足動感慨但憐至斯極饒可悲憫  
在豚蹄祝甌窶細人之常態所嗤囊素慳從無簞  
食惠一旦傾儲藏置酒作高會聊博顯者歡絕不  
圖沾溉似得近輝光賂貲亦慰快試問強沂祝曾  
免凍餒未此係底肺腸咄哉吁可怪

子孫更相生勢豈有窮已我爲祖之鼻那見孫之



薄暮

薄暮荒墟外閒來試一尋烟光催暝速鳥影徹潭  
深物理有衰歇霜華無古今誰家深巷裏砧杵最  
驚心

寄訊李鑑塘病目

今秋戰文場敵幟擬可拔纍纍七千軍

鄉試近例以七千人

爲

率直用毛帚刷奈何期將屆陡遭目肯發輿薪雖

可見秋毫已難察遂令圖南姿闔翅望溟渤我初  
爲扼腕近乃釋鬱艷不見君族衣抱璞轉希則俱

隨園詩草

卷之五

四

已後孫山那待闡棘撒

是仲藤衣爲同考族人例應迴避

証多而

慰同君可勿嗟咄天生讀書種可窮不可瞎所以

張太祝腦脂卒可刮銀海復旦明見天地日月日

者遙問訊所患欣稍歇但應攝以靜冥心坐兀兀

色塵遣令空眼根轉欲茁眸子復瞭然舊業仍孜

矻汲深用修綆探奧入邃窟鳳鳴叶宮商龍吟噤

牟闔登堂更躋截掉臂任勃率直與古爲徒奚論

科甲乙

次前韻東維藩

耳五傳服已盡直與路人似富貴貽孫謨乃欲至  
於此圖謀無所出因爲壟斷計傾身爲路人咄哉  
亦愚矣

取友

取友如揀金必先汰其沙沙礫以次盡餘金已無  
多少年喜結納到處盟筮車意氣杯酒間遑復卹  
其他識力稍瑩定乃漸悟其譎捨去勢應決徒悔  
理則那論人三季還屬望豈敢奢義利稍分明足  
可爲吾徒不爾肆吹求吾豈免疵瑕奈何奔競子  
隨園詩草

卷之五

聖

趨險避坦途溺沒聲利中足塗而首濡求一自好  
者如索徑寸珠朋黨日相比腹誹而面譽下石雖  
尚未引手則已踈奚怪劉孝標爲廣絕交書吾黨  
二三子尚其取鑑諸

冬夜

清切鳴砧夜蕭騷落葉村孤燈昏挂壁斜月冷侵  
門晚節愁千縷窮途酒一尊傷心無限淚驗取枕  
邊痕

雪望



雪霰應時降漫空高下飛烟深雙鳥沒天暝一樵  
歸覆隴田烏怨棲根宿麥肥袁安且閉戶僵卧賦  
無衣

坡陀

眺聽嫌卑隘坡陀試一登天低投薄鳥磬引入雲  
僧搔首籌身世跂予望友朋孤筇難久卓霜霰有  
威稜

隨園詩草

卷之五

畧

